

譚

墟

堂

摘

稿

謁長陵

天作高山運氣長白雲深閑侍

文皇臨戎紫塞風塵靖定開金臺日月光千里山河同
戴禹萬年謨典復宗唐小臣空負暴平澤時望龍
顏倚御牆

聞倭寇

聞說倭奴入寇雄畿四終夜惜元戎頻年遠調兼
人敵萬骨誰成一將功人物蕭條城市閉山河慘
淡戍樓空匡時自昔湏群策悵望南天恨不窮

慶賈西厓受 賜玉帶

絲綸別館切清虛列戟分符護玉魚八葉明昌扶
地軸萬年保障壯皇居挿貂不羨中朝貴泰德寧
慚寵命殊借問前門五丁將對君顏厚竟何如

題周侍御恩榮卷

貞宰本無私與善如形影王贊注黃流宜比金與
甌因之槩古今玄理非空慎人定自勝天詎云幸
不幸况此樂善翁論心何惺惺孝友由性生明發
動深省教育子惟一經安能逐塵騁譬之鵬扶風湧

叟九萬境家冠偉身儀

邱典光泉盈始信仁者後流光日永永

贈力曹周鎮菴赴南都

壯年射策久知名白髮除官入上京旌轉秣陵春
雨色舟迴淮浦夜潮聲留曹宣為傳詩草憂世盪
忘著論衡况復東南生意竭知君不負賜衣情

元宵觀燈時督 陵工

神宮靜與白雲閑忽見清燈映夜蘭花綻星若珠
欲碎光侵月影錦成圍謾誇上苑粧春景且向深

山度歲寒總愛陽輝同

帝澤遍令幽谷起凋殘

贈戈正郎出守南陽

八年郎署始移官五馬翩翩促去鞍路入呂城芳
草遍春迴唐嶺碧雲寒應知露冕爭相候賡有朱
絃可自彈召杜祠前頻展拜漢家良牧未為難

和介翁韻贈大司馬聶雙江南歸

本兵盡瘁鞠躬餘識字由來為讀書投筆靖邊應
有待借籌經國未全疎祗緣塵事移成局敢乞閑

身返舊廬完節共忻逢

主聖春城祖席獨憐子

幾回談笑策戎機解組于今得

賜歸鷗夢但知求自適鴻冥何惜與時違雲隨鳩杖尋丹壑酒送東籬待白衣往事驚心湏感慨閑來空望北山薇

贈少宰學士程松溪南歸

一封疏下入編民共識天邊侍從臣去路遠尋幽
畱菊歸心不負曲江春馬諳故道終難棄璧重連

城世自珍湖上好懷蘇學士金鑾再見寵儒紳

暫違玉署向江干祖道那堪遠別難塵刹久知心

似水道交何啻契如蘭山中霖月闌時弄枿上遺

書靜裏看此去婺城何處是遙瞻牛斗倚雲端

謝馮洛川邀同侍御孫慮吾遊錐石口

偶同仙侶入深山錐石嶺巒未可攀幽谷路歧行

轉怯古松風淨坐俱開趺花喜並乘驥至載酒淹

留待月還自是主人多雅意羈懷聊為一開顏

寄太守姪時漸陞重夔憲副

五馬家聲湊汝紹霜臺重喜鎮巴城寧親已還

橋志報國寧忘叱御情早見鈐韜追七捷閑撫琴
鶴伴雙清老子愧乏東山望却信玄才可屬兵

次侍御孫慮吾味遊洛川小園韻

世事百年何日了花開花謝幾多少從來知止是
先幾閑向園中味黃鳥

聞虜讐

漁陽烽火達神州獵騎翩翩不待秋千里霾塵迷
白晝萬家哭淚瀉東流鳴弦已入三河界衝敵誰

操兩刃不欲向塞鴻詢往事磧沙飛處使人愁

黃花鎮外暗胡氛幽薊橫戈豈忍聞飛輓盡輸南
運粟臨戎不見北征軍荒關漠漠連雲障曠野陰
陰帶日曛目極燕山空悵嘆何人匹馬是髯君

謝潘咸菴邀遊園亭賞春

春深祗役却忘身暫憇陶園拂遠塵人聽鶯聲知
取友坐憐花色欲依人情真不論枰棋勝興到何
妨送酒頻更有清齋書滿架逢君臭味自相親

觀海棠

海棠花發艷春光。裊裊繁英不點粧。久向瑤墀收定價。偏承羽蓋襲。餘芳托根不比芙蓉苑。吐益寧同桃李塲。寄語東風容暫借。明朝猶得覩瓊觴。

贈臬使陳希齋補任廣東

二十四年同榜彥重着憲節。傍朱輪雲隨梅嶺光。
儀遠春滿瓊崖草色新。漢法定知情弊俗。虞刑端不負平民。
濂溪書院今如昔。猶是當年澤物人。

謝賈西崖邀賞丁香花

園亭春暮衆花開。漫折丁香對酒杯。
麗色重重隨

日照清磬隱隱拂風來心隨綠樹偏憐主枝向芳
筵却愛才為謝高情歡不極殷勤更挿滿頭回

謝賈西崖邀賞碧玉竹

漪漪綠竹對南山群玉簾森積翠間自比柏松存
晚節不隨桃李鬪春顏雲依蔣徑遊偏勝興入淇
園景自閒莫道幽棲成隱癖時采仙侶扣玄關

觀射

山亭閑武徵高會攬轡相尋玩物華弓滿月矟飛
白羽旌揮電閃走青蛇共驚穿羹環瞿圃何用談

兵羨將家九折未應違壯志籌邊先爲服韓邪

述懷

浮生役役鬢毛稀濫列卿裳近紫薇忽訝流年已
及父敢云自省便知非孤松晚秀行相約老菊秋
芳願不違報國祇應忘我拙從來戰勝自身肥

慶介翁入對

遠傳

勅使宣元輔千載遭逢只此時大旱久懸霖雨望高峯
重觀鳳凰儀漫誇漢帝臨三老共慶虞廷足一變

自是忠誠醉

睿眷年年佳氣繞台司

久居黃閣冠儒紳白髮頻看近

聖人正以鹽梅資興味更於龍馬羨精神合宮下問謀

方遠笥服先頒命亦新莫謂

主恩無以報在公夙夜有孤身

辱推陪少宰寄賀鄭澹泉兼催北上

昔年典選聯仙署促膝談文幾徹宵偶竊虛名齊

李杜敢希揆武接瓊陶持衡再入鸞翔鳳推轂叨

陪愧續貂莫向淮波留繡斧早懸水鏡倚丹霄
海內交遊如骨肉萍踪何幸復同朝祇因求駿湏
先隗更覩飛龍正在堯調古不妨還俗好樹高猶
幸免風搖此來專席恩方重會見公平起誦誦

慶楊虞坡晉大司馬

保釐風采著華夷東省承恩總六師共許握韜勢
尚父不徒應變羨元之幕南坐見歸王化塞北寧
聞出牧騎他日漢家麟閣上還期勳業勒穹碑

賀太司馬周嶠山召掌院事

萬年綱紀重臺臣天語丁寧簡正人遙向留樞推
士望來持憲度表朝紳鳴珂獨展囊中草避路驚
埋道上輪軒顧風裁應不忝佇看古柏淨埃塵
職司天憲衆稱賢召介非因左右言霜拂簡端威
獨凜風生臺上直如絃名高知不辱吾筆

主聖何勞諫御船自是老成持大體法星時傍紫垣邊

賈西崖邀遊仙人洞

朱夏尋幽入古洞乾坤何處覓神仙山圍四壁疑
瓊島石臥層巒隱翠煙弄笛似聞電羽曲對棋還

憶爛柯篇眼前芳意湏同賞飽德空思奉細消

贈少司寇陳芥山總督漕政

江淮財賦正堪憂

御勅掄才屬壯猷臺內風霜官獨重日邊雨露寵偏優
舳艤千里連雄鎮貔虎重圍控上游竊嘆東南民
力竭何因樽俎借前籌

贈僉憲萬東澤出鎮惠潮

惠潮文物似中州霜節迢迢壯勝遊好向金山窺
鳳嶺更從越井望牛頭仰韓閣上雲常在平遠臺

前月不收莫嘆緒梅多瘴厲古來聲教遍羅浮

贈少司馬王思質行邊

早羨為儒兼武畧忠勤獨荷

聖朝知霜飄斧鉞臨三鎮日照旌旗肅四夷狄相不慚
旌異帶張公應紀立勳碑平生所學惟君父豈為
榮名却救時

遠傳節鎮白陽東虎幄龍韜戰氣雄匡國自應勞
吉甫請纓何但慕終童月明清嘯潮河外雲擁行
麾細柳中獨夜憂時瞻北斗看君坐筭靖胡戎

次司諫謝明山遊山洞韻

巖洞連迴徑雄危幾古今泉流千壑靜雲度衆峰
陰踏石窺筇影吹簫聽鳳吟德星忻此聚何必羨
仙臨

半嶺棲青碧濛開直到今苔痕侵古磴松葉漏寒
陰虹飲杯中酒風傳郢上吟總多山水興明發復

登臨

次賈西崖韻

洞臨勝地絕清幽聞道巾車復此遊憇澗未須尋

卷之二十一
赤脚攀蘿聊為倚蒼頭林端風靜松聲細天際峯連黛色流旺氣自應綿

帝澤龍翔鳳舞幾千秋

賀夏敬所補司諫

葱葱佳氣集吾豐瑣闈新恩望亦崇正喜鵲鵬搏瀚海坐看鷹隼擊秋空安邊不用和戎策瘳疾還期畜爻功此日遭逢增感激黃金臺上有清風

次侍御孫慮吾遊鐵壁寺韻

古寺切心嘗青駄不及板疑從霄漢上如在畫圖

間怪石連重壁輕嵐鎖故關何因一注目即景味

名山

次孫侍御遊銀山寺韻

聞說銀山勝山空法亦空遙臨冰玉使不愧蒼珠
宮曉日催征騎輕風散薄濛此行聊問俗歸獻翠
華中

雨後望天壽山次謝司諫韻

寶城聳聳聳高峯喜歛陰霏興轉濃風散濕巢歸
噪鳥雲依

享殿欲從龍朱臺迥映千花障丹壘時吟萬古松祇
役未堪頻注目岐周山不想遺容

九天初霽謁群峰目極諸陵御氣濃雲物遠浮陽
翠嶺日華偏現門湖龍表珍不似秦園草夾道寧

誇漢廟松緬憶

文皇恢遠略幾回清蹕挹春容

贈江雲石謫長沙

星沙境上草青青君復重登賈傅亭湘門祇應憇
寶氣澧蘭原自有餘馨未論四絕傳詩札且慕三

賢作典刑况喜遭逢非漢主何勞斜日嘆秋零
顯晦從來無定期宏才端不負明時臺意書霄垂
殺翮却從喬嶽傲霜枝金牛深處堪儲相飛鷗臺
前可勒碑此去好持弧矢志佇看振珮接朝儀

賀胡劍西生季子

遠傳文定生明仲瑞氣氤氳繞五峯玉署文章由
世積錦江福澤自天鍾不誇並秀增三桂何但縣
輝似八龍他日知言傳父學衡山深處仰高蹤

贈憲副畢子右改補廣東海道

塞北風霜闢草萊海濱何復借君才鳴騶遙度望
雲嶺使節時登朝漢臺贊有載碑思宋相不湏避
謗學吳恢此身磊落貞醉主目斷樓船水戰回
銜恩休嘆此行輕越岫輕烟引去旌大海遠蓮辟

島地千金難博五羊城盜平總畏潘公望舶至應
知馬老清正喜盤根堪自別青林境外有賢聲

寄贈刺史張巽峯移守寧波

符尚三衢改古郵政聲揭揭達楓宸未論華驥逢
知己且喜丹山得主人奏罷海饁師孔戣教明經

首憶舒璘角東草色春何限益信鈴齋可致身

公會 陵橋遇雨

連日輕陰雨復零同來祇役駐蓬廳雲連黃屋知
天近水會銀河覺地靈千古橋身橫砥柱

八陵山色映沙汀小臣已厭從龍澤但願常清自得

寧

贈比部熊柳齋恤刑雲南

滇南淑氣自春回漢節遙從

闕下來雨灑昆明同萬里星分呈貢映三台

雲南府有三台山

洗寃嘉誦張喬疏決滯驚誇王遜才天道福祥原
不爽坐看緝緝應庭槐

贈侍御周及溪赴留都

帝京傾蓋忽分盃衣繡驚看入舊臺秋引抹稜隨鴈度
風傳鍾阜避駱來匡時臘有安攘策識體寧誇搏
擊才見說東南生意竭金函還擬達三台

贈侍御張少源按淮便道歸省二首

遠持憲節靜淮波便道寧親愛日多繡斧光榮新
御勅豸冠聲價舊賢科共忻監筭憂時切更慶嘗臺賀

客過從古義寧傳盛事李丞晝錦竟如何

鵠立朝端世所珍廣陵驚喜復埋輪心源北出風
烟迥馳馬西歸雨露新綬結江淮千里命襟分慈
孝百年身此行正切東南望莫向樽前戀早春

贈大司寇何沅溪致政

尚書授笏輶朝班峻節尚風不可拔杜相祗應懷
舊墅謝公重喜步東山賜衣歸服恩猶渥引水流
觴景自閑莫謂到家心便了夜來清夢繞

龍顏

八座聯芳慶所遭虞廷淑問正思臯完名不羨三
公貴弟退今專一字褒車擁都門看送別舟廻蘭
渚恣遊遨他年雪夜頗相憶報國無能愧我曹

贈司諫王龍峰使岷藩歸省二首

數年獻納接明廬捧弔榮從玉殿餘槎泛濱川臣
節重祝歸貢水

聖恩舒未論馬伉能辭幣且喜安仁得奉輿他日吉州
傳勝事始知寸地帶經鋤

銜命頒封向楚天奎文墨跡尚依然有文山記觀風正

愁宦風里問月應懷弄月篇
有車擁于門光世德
酒斟洞果慶長年有仙人果
莫因寸草多偏戀遙望明

星傍斗邊

侍郎考滿蒙贈封三代

吾家祖父崇經訓餘澤迎祥及後人犀軸榮頒三
世誥錦鸞光映一家春不嫌廳事難旋馬賸有主
田可薦翁夜禮星垣瞻

帝座銜恩寔忍負君親

蔭翰兒

教子常從寸地耕有何功狀達承明賞延舜典恩
原重祿世周官寵更榮負笈已忻親璧水明經寧
致羨金簾百年忠孝末無忝敢謂卿門自有卿

廷試讀卷

嘉靖丙辰 大廷策士予以侍郎忝預讀卷時
淛中門生陶大臨一甲第二人陳錫二甲第一
人張鳳來第四人餘出淛中者幾四十人蓋躬
覩其盛云

天開文運盛周京大對賢良正滿庭稽古掄才分

甲乙叨

恩讀卷備公卿春深桃浪看魚化日上梧枝集鳳鳴共慶和家衣鉢盛疎庸無補賴門生

正憶壬辰至丙辰貌予盛典得叨塵依乘未踐資言策掄選應懷報主身龍虎榜懸入共羨璧奎星見世為珍

聖朝選士求忠孝定有周家十亂臣

欽遣祭織造冬至 大祀袞服皮弁服

聖主精禋崇

大祀袞衣歲造肇春陽祭承綸綺叨殊渥帛奠雲房引
篆香瑞衍冰鑾應獻彩靈享織女自成章要知徽
冕思神禹一念齊明徹彼蒼

天壽山工完陞二品服色俸級

陵橋砌玉引飛虹水遶玄宮瑞靄同祇役每思恢

祖烈敘勞何幸注

宸衷俸加二品恩偏溼服並諸卿位益崇退食自公何
以報委蛇應慕五紳風

耶事

時提督瀋河工程

清晨辭魏闕祇役赴盧溝行行尋水道沙徑迂且
脩源自桑乾發浩渺如天浮連亘蒼崖峻澗潺湲隱
澗流飛瀑忽千里逶迤達蔚丘平原迥遼曠決漭
不可留邇來多陰沴積雨角深秋狂濤撼樹杪重
之挾石丸決堤奔放迅兩岸隔望野蘆井莽陳跡
感事令人愁仰賴神禹惠恒厔極澗憂勅使蒙三
遺歲月空悠悠茲予親板築正值鳴蟬稠衝霾飫
塵垢悄悄何所求簡書時在日未為稻梁謀努力
迴瀾倒萬載拱皇州

遠眺

雨後望西山輕風散晴星奇峰千仞高突兀盤地
軸濛開直到今佳氣靄青馥懸崖拱聳森蘭若紛
矗矗鉅勢如爭奇嶺屹自天育輝凝半空中千里
疑可縮從來荒踞形封燕列侯服子舟劍術竦豪
傑兢逐鹿哀哉漢唐餘雄畧幾興覆割棄何人斯
忍遺腥臊讌鬱猗我明快覩昇平福

成祖運乾謨從此定輦轂四方玉帛同金殿環蒼麓光
入翠微宮芬芳吐郁郁

今聖握真符五帝不足六弘敷利濟仁軫念切篤獨我
來捧

綸音一聘遠遊目豈不懷幽棲因之洗炎燠事業貴及
時每悲髀生肉會當障洪流永永宅四隩

贈劉盤山知永州

福星隱隱起江華五馬符分去路賒父病正僕南
楚父選良應羨上林花九疑泉動春行野三省堂
深夜放衙他日瀟湘遺澤在劉寬原是使君家

贈甘子美判漳州

壯年挾策走長安七品因榮喜拜官風送澧蘭行
采采月臨虹閣自團團發硎遠慰鄭人望叱御寧
辭蜀道難商隱祠前重仰止歲時燈火徹更殘

贈太守熊文峰知潯州

潯江橫截限南荒萬里專城得茂良嶺表風煙紛
渺渺粵中雲樹鬱蒼蒼行春喜入思靈地懷古時
登景陸堂太宰家聲原不忝坐看絃誦起夷鄉

題榮壽卷為大司徒賈樵村賦

五色龍章下九天恒山燕處日脩然加封不待中

書壽眉壽重過尚父年物外虹霞宜晚色庭前鶴
彩及春妍古來經濟由家學益信勗耕有福田

贈朱麓原參汴藩

徽垣星彩起天中祖席驪歌擁去騁河噴周原千
里潤花明洛下萬家同未論歲歉堪移粟湏信秋
深可掛弓東陝從來多政績棠陰無處不春風

督城工憲智化寺

秋來宿古寺落日晚依微祗役綸言重離家世事
違夜深恒秉燭鐘徹即求衣久與禪心並還尋第

一機

玄關原有約從此得淹留香霧迎風細禽言愜地
幽時從忙裏過業向靜中求况復休明運益志為
國謀

爽氣澄秋景僧房對夕薰境閑增闌寂思靜破塵
氛鶴影隨松舞經聲雜磬聞忽然悟上乘何必檢
玄文

終日逐形役閑尋靜樂林壁懸名畫古門鎖白雲
深習定餐霞液懷公惜東陰法燈如不滅未昭歲

寒心

飲錦衣萬鳳臺西郊園亭

連日工興不用催偶隨仙侶舉霞杯林間噪鳥親人語竹逕繁花遍地開醉似乘舟遊赤壁身疑跨鶴過瑤臺主人莫逐風塵客無限韶光許再來

秋聲天空入翠亭閑幽不羨石為屏雲臨金海長浮碧雨過西山遠送青擊筑忽聞歌古調探奇應喜竊餘馨轅門樹業多君羨綠野堂開此地靈

城上遠眺

晴日秋空明登城盼

帝京壽山隨極拱西嶺切脊崢瑞靄仙宮迥光騰碧宇
清萬年都會地壯麗自天成

箕尾分幽野古稱地勢雄山環金疊障水遶玉流
虹歷代難當勝天朝獨宅中

文皇垂裕遠億載頌神功

悼元舊基

遼金及大元此地列掖垣三綱已淪滅四維無復
存建樓名齊政反斥周儀煩恣歡侈凝翠樓名披雲

盼名園共誇遂初

堂

景幽儼如桃源結軒拂長袂

俠氣自軒軒弦管便俗調導淫兢俚言擊肥厭良

黍沉湎屢傾樽斜日不再得燕賞幾寒暄浮雲頻

易世轉眼似冥昏殿冷閑鼓吹羅綺逐水魂落花

嬌靨盡何處覓柳村

萬柳堂

祗餘西山嶺發源竝崑

崙老眼恒炯炯重見今乾坤

尚書考滿蒙 頒賜寶鈔至酒

尚書初考達

楓宸中使傳綸寵更新寶鑑遙分天府製餼漿竝出尚

方珍恩隆三錫懸非分運際千年慶此身圖報所
希陽道泰坐着海宇盡皆春

尚書滿考蒙 贈封三代志感

祖父留耕只寸田尚書加贈豈期然琅函錦槧雲
霞麗梓里光騰草木妍讀捧父書恒自愧思存祖
硯恐無傳銜恩感激丹心切世守庭間忠孝編
兩世重褒出紫垣幾回銘骨感

洪恩焚蕡已慶榮三鼎衣錦何能起九原養愧違甘能

戒子范文正公名慙命字預期孫虞詡松楸不盡終天

恨南望飛雲幾斷魂

眉壽重封為錢少司寇乃翁賦

八十重封世所稀未湏榮載後車歸紫垣迥下廻
鸞誥綺座驚看孔雀衣近海雲霞添晚景遶庭蘭
桂藹晴暉于門世德人多羨弼教應知願不違

贈熊汝亨司訓都門

君今振鐸闔門去文物依然盛

聖朝斗次武陵明講席雲運徽嶺拂行籜官閒自喜書
三篋俸薄應甘水一瓢况是紫陽山水近暮春童

冠日相招

贈司諫魏連洲使汴藩歸省

暫辭青鎖擁仙槎
桐葉分封去路賒
千里龍文天上用
百年鶴髮夢中家
共忻舜日光臣節不羨梁

園玩物華臘有釀泉春正熟恩隨壽晝映流霞

贈中丞鄢劖泉清理鹽法

諸邊自昔資鹽筴茂簡名卿出內臺天假福星隨
地照風生赤鹵盡春回先憂早遂希文志多計寧
誇劉晏才百歲庭前椿正茂豸木重喜舉霞杯

持憲稜稜有直聲暫勞經濟拂行旌帆歸吳越運
淮浦節鎮燕齊達晉城得路青驥標格健乘風高
隼羽翰輕驚心時事需籌策肯負吾

君萬里情

題橋梓榮哀冊

秀發稽山不偶然尚書接履映星躔明經再著玄
成業積德應知許國賢晚節雙全歸錦里

殊恩申錫首蓄泉老成風範今寥落目極南天起暮烟

吏部舊寮宴元輔介翁宅翁即席賦五言古詩

次韻二首

鈴岡鍾間氣挺出蓬山枝賢應

差皇祝獨對臨軒墀養生久屬望海鶴翛然姿
今聖膺堯曆協謨復此時患因歷試著

特簡冠台司寵盛心彌下寃為巧者喧屋漏求無忝惟

天寶鑒斯七考汾陽績清風比素絲宴錫承

溫詔戒盈如捧卮

御劄屢裁答頻看退食遲仙標宸極迥歲歲問花期華
筵開沐暇德曜映庭達教言常在目永佩得師資

黃閣久持釣光增寶樹枝殊榮自天錫

特免拜丹墀貌雍心獨赤百辟仰手姿致身行所學况

忍負明時甄收皆俊乂濟濟列曹司昔予遭斥謫

已甘枯目喎叨承高厚澤栽培得與斯永言懷夙

夜未能酌寸絲依槎遊福海少罄南山卮飲德渾

忘足趨陪景漸遲槐堂迎瑞靄宣徒百歲期共忻

鈴索靜八柱表朝遜壽星恒炯炯永映調元資

送鄒繼甫廬因湖廣便道歸省

家學如君得道真喜承

欽恤慰雙親楚樓久待江湖筆杆里驚看廊廟珍言到
三湘連絕谷春從五嶺轉頻呻淵源直溯瀼溪汎
總是初心不媚人

送張瀝泉處囚廣西

桂林俎豆慕南軒何幸綸頒自德門漢節曉辭
宸極迥虞刑春布

聖言溫治書好為頑添燭促駕應憐屢叩轅此去祠中
屢仰止不妨香火往來喧

送鄭實夫薦因江南便道省母

青年蚤握省中蘭

特簡平刑促去鞍遙望星辰離

關下獨驅雷雨洒江干下車湊布堯仁太持筆應知漢
法寬自是不疑能斷獄佇聆慈母喜加餐

贈陸應程慮囚江西

共說江西訟獄繁

九重倫使有生恩未湊膝閣留佳句願借羲輪照覆盆
驗火定知奴坐累辨魔應為父還存青天遠樹情
難寄雲隱于門何處村

贈少司徒劉壽泉致政還蜀

一封奏罷少人爭草色青青引去旌老却棋枰機
事息閑辭樂裹病身輕錦官城裏堪頻駕華輦
卷中可續盟牘有清風垂後進免教描畫盡平生

贈黃萬程分教遂溪

才名早已播莆陽那復青囊去路長地入粵南連
海島化從蔚北達螺岡遂溪鎮山懷賢牘有書早卷話
舊何堪酒一觴共道文明應古識棋川人物在門

牆

贈徐寅之分教涇縣

著書徐幹父馳名獨擁臯比入楚城學富不漸千

駟貴宦清猶覺一瓢輕

李白謫涇縣汪倫事

堪留句

韓愈事

水深中見遠情

李白謫涇縣汪倫事

威鳳碧梧棲欲老坐看

振翮集才英

瀚兒薦京闈自倣

教子從來重一經豈如積德徹冥冥力田共卜能

收稼覆水應知不返瓶魏國忠忱徵世業晉公直

道著槐銘愧子淺薄非倫擬報

國寧慚大塊形

汝從今歲竊科名萬里飛鵬此發程德顯韓門湏
獻肅教傳申國賴原明自強勿曠為山志致用恒
懷捧日誠潔白賜環如執券可慚比父畏知清

贈劉漸峰知丹徒

芙蓉樓上借餘芬南去遙天入斗分官閣坐延西
浦月訟庭閑對北山雲明珠出海應增價黃鸝凌
霄迥不群二謝塘深流澤遠佇聽德政竝前聞

贈蔣子衡知嘉定

青年解褐入吳城千里王畿羨此行蒼磧崖中騰
劍氣寶山鎮內起絃聲壯圖海闊雲俱遠心事秋
空月共明筮仕自應期報

主可令俯仰愧平生

贈趙子貞知溧陽

石屋山中留鑄冶

舉子鑄
於處

青萍出匣豈徒然薰風

習習隨行旆明月亭亭照去船

民困但期除稅籍

鄭縣事閑何羨有詩篇

孟郊在縣多咏定知硎試非凡品

遙望光芒燭斗邊

贈符卿郭冠山赴留都

符卿此日賦南征
雲樹江東拂去旌
雨露仰承新寵命
河山原重舊周京
曹地接金鑾近鍾阜
天開碧嶂清獨有丹心仍戀

主夜來猶夢珮珂聲

贈儀曹勞道亭出僉嶺南臬政

器業偏宜禮署清
行旌遙下五羊城
六條按部乘陽氣
千里迴春見物情
朝漢臺高天影近
鑑空閣迥暮煙平
更知文節風猶在
同鄉楊萬里提舉鹽倉
不負亭

亭孤月明

贈莊君祉知會稽

予昔與王遵岩以道義相切劘今其婿君祉又
邃文學益知昌黎得李漢而文益振也茲知會
稽又其鄉先哲曾宣靖過化之地天之所期遠
大者固不偶矣賦以勉之

會稽山鎖白雲深茂選循良出桂林硎試青萍應
別利弦鳴大雅有知音乘春廣布農桑業捧日常
懸玉帛心況復斗門遺澤在曾公亮會稽瑞魁堂上幾

登臨

贈滕汝載知番禺

偶於麗藻識材華暫試牛刀去路賒五嶺山南開
海甸萬松烟裏鎖官衙地臨越岫應偏秀春滿靈
洲到處花牋有十賢堪仰止飛鳬計日自天涯

贈恭順侯吳松川鎮守兩廣

久從督府羨雄才樹印新臨桂海隈宣撫共儀樞
使至秋青安危端仗衛公來靖提封百粵朱旗閃鎮
壓群蠻曉瘴開鐵券傳家原不偶幾回中夜憶

臺

嶺表從來名將多
元戎此去拂泉阿
未論鼓勇能
摩壘須信懷
殲自挈戈日照旌旗臨象駱
風傳鼓角徵
馱河千年銅柱勳名在
展廟瓣香拜伏波

少保大司馬楊虞坡邀宴鄭園有詩見贈次韻

呈謝

保輔聲名舊明時
重指南葵心原獨向蘭與
含掃徑迎晴日開筵拂暮嵐
殷勤野簌意何必羨

華簪

畫省乘清暇寰中此勝遊

龍光頻在望鶯谷切相求憇柳還馮檻看花復泛舟總

因餘

廟笑永日共綢繆

偶陪房杜倡携手度城南雨後殘紅少天空遠翠
含移樽頻測晷覽勝忽生風况此同心契簪慚白

首簪

野色添秋景名卿竝燕遊未須投轄飲過庭斷金
求細草偏依席靈禽欲傍舟冷然情境會相對為

綢繆

題殊恩董錫卷

奎光遙映楚江墟少宰承

恩下玉除雙闕翹翔丹鳳翼一門照耀紫泥書教存馨
硯心初慰讀遍韋經澤尚餘自是

聖朝崇孝理可忘嵩祝佩簪裾

次少保楊虞坡喜捷韻

八閩新奏凱一怒自天傳戡亂如摧朽安民似解
懸鶴林驅鬱瘴鯨海息洪連大共戴

神謨遠寧須圯上編

當寧厪南顧疇谷屬上公萬全惟決策一戰遂成功成
拆隨風靜征旗映日紅由來平蔡績養望在河東

次大司馬虞坡郊遊韻

司徒熙齋重約遊鄭園以公務羈絆不獲赴會

辱虞坡見懷次韻

地選郊南勝雲中集列卿秋光頻作伴塵累豈要
情已負書重約空懷觴九行蕭然咫尺隔何以聽

希聲

君實經遊地兒童盡得知林端晴日媚檻外白雲垂共羨饒花徑寧須夢草池所懷良不淺永仰贊雍熙

岩廊清興遠即景振華鑠野鳥迎簷噪輕荷挾雨
驕披襟秋色霽列坐篆香消逸駕迥難竝臨風憶
午橋

華國文章舊休誇求志君揮毫矜七步寫景豈三
分久信心懸日還高義薄虛名興漢業盛麟閣有
餘芬

壽垌鄉史玉陽七十

羨君解組入南天，五畝情怡水竹邊。
閑註韋編逢舜日，長披寶笈祝堯年。
才於濟世施難盡，道為忘筌得最先。
聞說燕山垂澤遠，清顏不數地行仙。

每憶仙蹤逸興牽，壽鄉深處淨風煙。
名花匝砌春長在，古柏凌霜老自堅。
久謝高車開綠野，靜看玄鶴舞芝田。
盈堂賀客多才俊，欲賦空慚雲海篇。

贈毛文瑞司訓信陽

漢家文學董毛生，白髮除官歎此行。
報國未應辭

薄祿惜陰猶得理殘經地鄰洛水揚波迥雲霽鐘
山入座明他日義陽人物盛甄陶不忝攀云名

南郊陪祭

南郊誓戒肅朝紳迎日重開甲子春夜半燔升光
七曜天中樂奏徹三辰體元共慶陽方長得統應
知命愈新自是璿臺頻紀瑞萬年德澤茲鴻鈞

齋明子夜侍郊天對越遙瞻

帝座懸瑞應月華輝玉珮祥呈雲氣引爐煙受釐不羨

甘泉頌祝

聖應函海嶽編從此陽生逢道泰永綿寶曆邁周年

冬至後七日

上躬臨玄瑞殿祈雪遣秉分告

顯佑宮

九重穆穆重民天小吉祈靈太乙前星映玄壇浮羽仗
雲隨御輦展瑤篇恩申三限慶桓切禮秩連宵以
益虔目極西清多瑞氣應徵盈尺兆豐年

永夜虔申顯佑宮分綸遙自五雲中光迎列炬攢
明月氣肅寒松靜晚風展殿仰知神鑒炎焚香應

戴

聖恩崇交脩一體原相倚敢不盟心質大空

齋省

明聖崇元化先幾恒審時念茲豐年瑞民天定所資玄
冥已届候靈澤尚愆期惕然軫

宸慮敷綸展雩祠夙夜精虔禱文脩飭庶司顧我叨九
列寧心嘆神疲白日看駒隙因之省吾私冥冥若
帝鑒從來畏四知盟心還秉燭臺髮敢云欺緬懷
慎獨語即此爲嚴師

鍾惺集稿卷之二十終